

**Psykolog-itut taaguutaasup illersorneqarnissaa, sulinissamut akuersissummik pinissaq psykolog-itullu ilinniarsimasut pisinnaatitaaffii pisussaaffiilu pillugit tarnip pissusiinik nakorsat pillugit inatsisiliornissamik Naalakkersuisut siunnersuusioqqullugit peqquneqarnissaaannik Inatsisartut aalajangiiffigisassaattut siunnersuut. Inatsisiliassaq aamma imaqassaaq oqartussat sorliit pisinnaatitsinermik akuersisinnaanerat, kikkut nakkutilliisussaanersut pillaasarnernullu maleruagassat pinerluttaalisitsinermi inatsimmut naapertuussarneqassallutik.**

(Inatsisartunut ilaasortaq Naaja H. Nathanielsen, Inuit Ataqtigiit)

### **Akissuteqaat**

(Peqqissutsimut Naalakkersuisoq, Agathe Fountain)

### **Siullermeerneqarnera**

Naalakkersuisut siunnersuummut qujapput.

Aallaqqaasiutigalugu oqaatigineqassaaq Naalakkersuisut sinnersuummut soqutiginnilluarmata.

Peqqissutsimut Ilisimatusarnermullu Pisortaarfik 1997-imi aqutsisoqatigiinnik pilersitsivoq, nunatsinni peqqinnissaq pillugu inatsiseqartitsinermik iluarsartuussinermi siunnersuusioqarsanik. Aqutsisoqatigiit 1999-imi februari qaammataagaa nalunaarusiartik, taamalu aamma iluarsatuussinissamut siunnersuutit, saqqummiuppat.

Aqutsisoqatigiit nalunaarusiaat tunuliaqutaralugu tarnip pissusiinik ilisimasallit pillugit inatsisartut peqqussutissaattut siunnersuummik Peqqissutsimut Pisortaarfik suliaqarpoq. Peqqussutissatut siunnersuut tamanut ammasumik tusarniaassutigalugu 2001-imi nassiussuunneqarpoq, Inatsisartullu Peqqissutsimut ataatsimiititaliaata tusarniaanermiit paasissutissat tusaatissatut tiguai.

Nalunaaruteqarnermut, arsaarinninnermut, piumanagu nalunaaruteqarnermut aamma pisaarinnerqinnermut danskit malittarisassaasut peqqussutissatut siunnersuutit malippai. Taamaalilluni Akuersissuteqarnermut nakkutilliinnermullu oqartussaasuseq Danmarkimi Psykolognævni mit isumagineqartussanngorpoq.

Tusarniaanermi Naalakkersuisut inatsiseqarnermut allaffiat siunnersuutit ilusilersorneqarnerata annertuunik arlalinnik nangaanartoqarneranik saqqummiussivoq. Nangaanartoqartitsinermut pingaarnerit ilaat ataaseq tassaavoq akuersissuteqarnermut nakkutilliinnermullu oqartussaanerup danskit malittarisassaannut qanippallaarinnera.

Inatsiseqarnermut allaffik oqaaseqarpoq,

- Namminersorerullutik Oqartussat inatsisartut inatsisaat imaluunniit inatsisartut peqqussutaat aqqutigalugit allaffissornikkut imaluunniit aningaasatigut pisussaaffilerneqarnermik danskit oqartussaasui peqqusinnaanngikkaat, tamanna pillugu danskit oqartussaasuinik isumaqatigiissuteqartoqarsimangippat.
- Akuersissuteqartarnermik aqqissuussineq pillugu malittarisassanik aalajangersaanissamut Inatsisartut Naalakkersuisullu inatsisiliornermut allaffissornermullu piginnaatitaapput. Nunatsinni inatsisiliorneq taamaallaat inatsisartut peqqussutaattut ilusilimmik pisinnaavoq, Danmarkimi inatsisiliornermut piffissamut sukkulluunniit atuuttumut innersuussi-

nertaqanngitsumik. Tamatumuuna qulakkeerneqassaq allaffissornikkut inatsisiliornikkullu oqartussaaneq paatsuugassanngitsumik nunatsinni oqartussaasuni inissisimasoq.

- Akuersissuteqarnermut nakkutilliinnermullu oqartussaannermi danskit malittarisassaannik atuinissaq kissaatigineqarpat, tamanna pisussaassaaq tarnip pissusiinik ilisimasallit pillugit danskit inatsisaata kunngip peqqussutaatigoortumik nunatsinnut aamma atuutsinneqaler-neratigut. Taamaassappat allaffissornikkut inatsisiliornikkullu oqartussaassuseq paatsuugassanngitsumik danskit oqartussaasuini inissisimassaaq.

Taamaattumik Inatsiseqarnermut allaffiup peqqussutissatut siunnersuutip taamatut isikkoqar-  
tillugu akuersaarneqarnissaa inassutigisinnaasimangilaa.

Tamanna tunuliaqutaralugu Peqqissutsimut Pisorta qarfiup peqqussutissatut siunnersuusiorneq  
unitsippaa.

Naalackersuisut 6. april 2001-imi Inatsisartut Peqqinnissamut Ataatsimiititaliaannut allakka-  
minni inatsisissatut pilersaarummi ajornartorsiutaalersut pillugit ilisimatitsissuteqarput. Ajor-  
nartorsiutittaaq Pisorta qarfiup inatsisartut 2001-imi ukiakkut ataatsimiinneranni killiffik pillu-  
gu allakkianni nassuiaatigineqarput.

Tarnip pissusiinik ilisimasallit pillugit, oqartussaasut sorliit akuersissummik tunniussisinnaa-  
neranik sulisunillu akuerisaasunik nakkutilliisuusussaaneramik malittarisassartalimmik, inat-  
simmik tunngavissiortoqarnissaa Naalackersuisut suli kissaatigaat.

Inatsisissamilli piareersaateqarluni siusinnerusukkut suliaqarnerup takutippaa pineqartup qa-  
noq aqqissuunneqarnissaa pillugu qulaajaamisanik pisariaqartitsisoqartoq, matumani ilan-  
ngullugu nunatsinni akuersissuteqarnermut nakkutilliinnermullu oqartussaasumik pilersit-  
sisoqassanersoq, imaluunniit tarnip pissusiinik ilisimasallit pillugit danskit inatsisaat akuersis-  
suteqarnermut nakkutilliinnermullu oqartussaannermik ilalik nunatsinni atutilissanersoq.

Isumaliutersuutigineqarneranut ilaasariaqarpoq akuersissuteqarnermut nakkutilliinnermullu  
oqartussaannerup nunatsinniisilerneratigut aallaavittut tunngaviussammat tarnip pissusiinik ili-  
simasallit ilinniartitaanerisa nunatsinnit tiguneqarnissaa, tamatumalu nassatarissavaa ani-  
ngaasatigut allaffissornikkullu isumalluutit nunatsinni peqqinnissaqarfimmut nammackersui-  
lernissaat.

Taamaattumik Naalackersuisut sinnersuutigissavaat akuersissuteqarnermut nakkutilliinner-  
mullu oqartussaannerup nunatsinnut inissinneqarneratigut periarfissat, aningaasartuutissat aam-  
ma piginnaaneqarnermut pisariaqartitsineq matumunnga attuumassuteqartoq ilanngullugit  
qulaajaaffigineqassasut.

Naalackersuisut inassutigaa,

- Tarnip pissusiinik ilisimasalinnut akuersissuteqarnermut nakkutilliinnermullu oqartussa-  
nerup nunatsinnut inissinneqarneratigut periarfissanik aningaasatigullu kingunerisasaanik  
misissueqqissaarineramik Peqqissutsimut Naalackersuisoqarfik Inatsisartut 2010-mi uper-  
naakkut ataatsimiinnissaannut nassuiaasiussasoq,
- Tarnip pissusiinik ilisimasalinnik nunatsinni atorfeqartinneqartunik nakkutilliinerup  
qulakkeerneqarsinnaaneramik Peqqissutsimut Naalackersuisoqarfik Inatsisartut 2010-mi  
upernaakkut ataatsimiinnissaannut siunnersuusiussasoq, aamma
- Siunnersuut maannakkutut isikkoqartillugu akuersissutigineqassanngitsoq.

Immikkut malugineqassaaq Peqqissutsimut Naalackersuisoqarfimmut maannakkut killiliussat  
iluanni nassuiaat suliarineqassammat, aammalu suliniutaajunnartunut nassuiaammi inassu-

teqaatinit aallaaveqartunut Peqqissutsimut Naalakkersuisoqarfik aningaasalersuinissamimut  
pisussaaffilerneqarsinnaanngitsoq.